

叢書集成三編 第九五冊目錄

史地類



先漢正史

三史拾遺五卷	清 錢大昕撰	潛研堂台	大	〇九五	〇〇一
史記蠡測一卷	清 林伯桐撰	脩本堂台	大	〇九五	〇七三
史記瑣言三卷	沈家本撰	沈寄篋		〇九五	〇八九

漢正史

漢書瑣言五卷	沈家本撰	沈寄篋		〇九五	一五九
後漢書瑣言三卷	沈家本撰	沈寄篋		〇九五	二〇七
續漢書志瑣言一卷	沈家本撰	沈寄篋		〇九五	二三三

三國正史

三國志瑣言四卷	沈家本撰	沈寄篋		〇九五	二四九
---------	------	-----	--	-----	-----

魏晉南北朝正史考

晉五胡指掌二卷	明 張大齡著	峭帆樓台	大	〇九五	二七五
---------	--------	------	---	-----	-----

魏晉南北朝史鈔

宋瑣語二卷	清 郝懿行撰	筆記小說		〇九五	三二三
-------	--------	------	--	-----	-----

唐碑史

唐藩鎮指掌二卷……………明 張大齡著……………峭帆樓台 大 ○九五 三六三

五代載記

舊五代史輯本發覆三卷附薛史輯本避諱例……………陳 垣撰……………勵耘書屋 ○九五 四〇三

宋編年

增入名儒講義六十四卷(自卷首至卷廿七(原缺卷卅至四十五))

皇宋中興聖政……………宋 不著撰人……………宛委選 ○九五 四三七

wt51/c5

三史拾遺



本書承國立臺灣大學總圖書館借用影印

謹此

致謝

新文豐出版公司

謹啟

三史拾遺



三史拾遺卷一

錢大昕學

史記

五帝本紀

依鬼神以制義正義云創古制字 說文制从刀未聲依字當作𠂔隸變為制或譌為制則與端旁相亂矣唐人不諳六書翻以為古如顏籀以𠂔為古悅字不知為荒之譌以𠂔為古莎字不知為𠂔之譌以𠂔為古𠂔字不知為𠂔之譌也

居鄒夷曰陽谷索隱云史記舊本作湯谷今竝依尚書字

三史拾遺

太史公多識古文所引諸經與今本多異者皆出先

秦古書後人校改漸失其真即湯谷一條推之知舊本

為小司馬輩所更易者諒不少矣殷本紀篇狄舊本作易亦古文

鳥獸字微注尚書微作尾字說文云尾交接也 說文無

此文注有誤 段氏王裁曰此仍用孔傳耳文字衍

似恭漫天 即書象恭滔天也孔傳訓滔為漫與史記合

韓退之詩唯解漫天作雪飛蓋出於此

於是以益為朕虞 漢書百官公卿表益作朕虞地理志

為舜朕虞與此文同蓋官名有朕字非單名虞也王莽

改水衡都尉曰予虞亦放此

夏本紀

厥田斥鹵 上文已有海濱廣鴻句斥與鴻文異義同不當重出禹貢漢志皆無之此後人妄增也史記引禹貢厥皆作其此獨作厥亦其一證

其草惟夭其木惟喬 段氏王裁曰兗州云草繇木條無其惟二字獨揚州有之蓋後人所增也漢書地理志兗揚二州皆無厥惟字

齒革羽毛注孔安國曰象牙犀皮鳥羽旄牛尾也正義曰鹵南夷常貢旄牛尾爲旌旗之飾書詩通謂之旄 段氏王裁曰荊州羽旄齒革字正作旄此作毛淺人所改

三史拾遺

也

雲夢土爲治索隱曰雲土夢本二澤名韋昭曰雲土今爲縣今案地理志江夏有雲杜縣是其地 今索隱單行本大書雲土夢三字蓋小司馬本土在夢上潘熙耿秉刊本正土在夢上

包匭菁茅注鄭玄曰匭纏結也 案尙書疏吳都賦注引鄭注纏結上有猶字

浮於江沱潯於漢 今禹貢無下於字陸氏釋文云本或作潛于漢非孔穎達正義云本或潛下有于誤耳據此二文則古本禹貢本有于字於江沱潯爲句於漢又爲

句陸氏以潛于漢爲句故云非耳此亦段氏所說

浮於維達於河 史公引禹貢皆改達爲通兗州云通於河青州云通於濟徐州云通於河揚州云通淮泗獨豫州云達於河此轉寫之誤

終南敦物索隱曰地理志云太一山古文以爲終南山

無此山字 蕞山古文以爲敦物皆在扶風武功縣東 漢志

本作壘山此云蕞山者誤也然下文至於太蕞索隱亦云太蕞卽敦物則眞以蕞山爲敦物矣水經蕞山爲西嶽在恒農蕞陰縣西南鄭注云古文之惇物山也小司馬似本此然華山在恒農不在扶風詎可牽合爲一水

三史拾遺

經亦別有敦物山鄭氏偶未檢照耳

注徐廣曰從禹至桀十七君十四世駟案汲冢紀年曰有王與無王用歲四百七十一年矣 殷本紀注引汲冢紀年曰湯滅夏以至於受二十九王用歲四百九十六年也以今本紀年攷之此二條皆在附注中相傳附注出沈約之手而梁書約傳不載其事隋經籍志載文志俱不言沈約有附注則流傳之說不足據也裴氏生於休文之前其注史記已引此文則注非休文所作益明白矣晉書束皙傳稱竹書之異云益于天位啟殺之史通引竹書云益爲后啟所誅見疑古雜說等篇而今竹書云夏

啟二年費侯伯益出就國六年伯益薨然則今本竹書出於宋以後人僞託信矣

周本紀

龍亡而祭在楨而去之 去藏也俗作春

子靈王泄心立 梁氏玉繩曰案晉語作大心周語韋注亦作大心疑此泄字誤大昕謂泄心卽世心也禮記雜記下泄柳之母死唐石經作世柳岳氏刊本亦作世春秋三傳世與大多相通如樂大心作世心與此可互證夏本紀帝泄左傳疏引世紀作世蓋泄从世聲亦可讀如世

三史拾遺

秦破韓魏扑師武注戰國策曰秦敗魏將犀武於伊闕師犀聲相近

秦本紀

惠文君四年齊魏爲王十三年四月魏君爲王韓亦爲王案六國表惠文四年卽魏襄王元年齊宣王九年也表與世家俱書齊魏會徐州諸侯相王至十三年魏君爲王則魏世家無之表亦但書於秦不書於魏此可疑也韓世家宣惠王十一年君號爲王表則在十年當惠文王後二年較世家先一歲然與此紀十三年之文總不合此又可疑也

昭王四十四年攻韓南郡取之 南郡六國表作南陽攻

江陵之南郡楚地非韓地當以南陽爲是但昭王十六年拔韓宛城又魏冉封穰侯皆南陽郡地是南陽屬秦已久至昭王三十九年置南陽郡何以四十四年攻韓又取南陽蓋戰國時大郡或領十數城非一時所能盡拔秦雖置南陽尙未全有其地至是始悉取之如上黨亦韓郡桓惠王十年郡守馮亭以郡降趙十四年爲秦所拔矣而二十六年又云秦拔我上黨亦其類也始皇帝五十一年而崩 五當爲立秦王政二十六年始稱皇帝至三十七年而崩計爲帝十一年耳耿本已誤

三史拾遺

秦始皇本紀

蒙驁王齮庶公等爲將軍索隱云庶公蓋庶邑公史失其姓名 庶者其人之姓史失其名耳漢有郡太守庶次公樂安相庶季公見孔廟禮器碑

將軍壁死正義云言成蟜自殺于壁壘之內 壁者將軍之名蓋別是一人與上文成蟜初不相蒙注家牽合爲一故愈不能了

卒屯蒲鶮反戮其屍注徐廣曰鶮一作鶮屯蒲鶮皆地名壁于此地時士卒死者皆戮其屍 蒲鶮當是人性名爲將軍部下卒壁死而鶮反故加以戮屍之刑舊

注牽合上文不足取

今製號而金石刻辭不稱正義云尺謹反 正義音非也
稱當讀如字不稱二字連下始皇帝讀爲一句謂諸金
石刻但稱皇帝不稱始皇帝則與後嗣所刻無別非所
以尊始皇功德也納釋上下文義自了

項羽本紀

項羽自立爲西楚霸王王九郡都彭城 貨殖傳自淮北
沛陳汝南南郡此西楚也彭城以東東海吳廣陵此東
楚也衡山九江江南豫章長沙此南楚也據彼文似彭
城是東楚非西楚羽既都彭城而東有吳會稽諸郡乃

三史拾遺

以西楚爲號者羽兼有梁楚地梁在楚西言西楚則梁
地亦兼其中矣又據彼傳三楚之分大率以淮爲界淮
北爲西楚淮南爲南楚唯東楚跨淮南北吳廣陵在淮
之南東海在淮之北彭城亦在淮北而介乎東西之間
故彭城以西可稱西楚彭城以東可稱東楚也

大司馬怒渡兵汜水注如淳曰汜音祀左傳曰鄩在鄩地
汜 案如音與今土人音正同其所引左傳則誤也僖
廿四年傳王出適鄩處于汜杜注鄩南汜也在襄城縣
南此卽所謂鄩在鄩地汜者續漢志襄城有汜城劉昭
注亦以爲周襄王所處其字从巳音凡不當牽爲一地

高祖本紀

索隱云貞時打得班固泗水亭長古碑文其字分明作溫
字云母溫氏貞與賈廣復徐彥伯魏奉古等執對反覆
沈歎 濟復當作廣福先天二年爲右散騎常侍昭文
館學士以預太平公主逆謀誅見唐書今河內縣有大

雲寺碑卽廣福書也徐彥伯卒於開元二年見唐書本

傳案司馬貞張守節二人新舊唐書皆無傳守節正義
序稱開元二十四年八月殺青斯竟而小司馬兩序不
載誤述年月以此注驗之其與賈徐諸公談議當在中
睿之世計其年輩似在張守節之前也補史記序自題

三史拾遺

國子博士弘文館學士唐制弘文館皆以它官兼領五
品以上爲學士六品以下曰直學士國子博士係正五
品上故得學士之稱神龍以後避孝敬皇帝諱或稱昭
文或稱修文開元七年仍爲弘文小司馬充學士益在
開元七年以後也唐書劉知幾傳開元初嘗議孝經鄭
氏學非康成注當以古文爲正易無子夏傳老子書無
河上公注請存王弼學宰相宋璟等不然其論奏與諸
儒質辨博士司馬貞等阿意共黜其言請二家兼行唯
子夏易傳請罷詔可又攷唐書藝文志稱貞開元潤州
別駕蓋由文館出爲別駕遂踰躐以終也

常從王媼武負賁酒索隱云說文云賁賁也臨淮有賁陽縣漢書功臣表賁陽侯劉繆而此紀作射陽則賁亦射也今漢書功臣表亦作射陽師古云字或作賁者後人改也據小司馬說則漢表元是賁陽師古改爲射耳臨淮有賁陽縣句亦引說文今世所行說文無此語疑後人以地理志無此縣而妄之耳

別將司馬尼 耿本尼作尼曹參世家同案漢書小顏注云尼古夷字則耿本是也

立子恆以爲代王 高帝紀於孝惠不書名文帝紀於景帝不書名乃文帝名再見於高祖紀一見於呂后紀此

三史拾遺

八

必後人所加景帝紀四年立皇子徹爲膠東王七年立膠東王爲皇太子名徹亦後人所加諸侯年表高祖十一年復置代二月丙子初王元年十八爲文帝文帝紀子某最長請建以爲太子此史公避諱之例高祖紀當先書立子某爲代王其後云次代王已立爲孝文帝不必更舉名孝景前四年四月乙巳初王元年四立爲太子俱不書名此據耿本也它本初王下有恆字元年有高祖子與諸王無別蓋後人妄增惟淳熙本不誤然諸紀亦皆與今本同

孝景本紀

二年秋災惑逆行守北辰月出北辰間 月五星出入黃道間必無失行而守北辰之理予意辰當爲戌之譌漢

書大文志東井西曲星曰戌北北河南南河火守南北河兵起又云元封中星孛于河戌占曰南戌爲越門北戌爲胡門今本戌作戌誤蓋北戌與黃道相近故災惑得守之而月行亦或出入其間也

十二諸侯年表

及如荀卿孟子公孫固韓非之徒索隱云宋有公孫固無所述此蓋齊人轅固傳詩者也 梁氏玉繩曰傳詩者韓嬰轅固不得嫁名於公孫固攷漢藝文志儒家有公孫固一篇十八章齊閔王失國問之因爲陳古今成敗也

三史拾遺

九

六國表

秦始皇二十八年爲阿房宮 耿本房作旁二世元年就

阿房宮同

高祖功臣侯年表

陽都侯丁復 拜爲將軍忠臣侯 忠臣非官號古書忠與中通韓增幼爲忠臣謂中朝親近之臣也此忠臣義亦同酷吏傳景帝謂都都忠臣欲釋之竇太后曰臨江王獨非忠臣乎亦是此義

衍侯翟旰 梁氏玉繩曰水經注卷七云封邱縣南燕之延鄉也其在春秋爲長邱漢高帝封翟旰又藝文類聚

引陳雷風俗傳云高祖與項氏戰于延鄉有翟母免其難故以延鄉爲封邱以封翟母此侯翟母必翟母之子也

惠景問侯者年表

楊虛 恭侯劉將廬元年 盧氏文弼曰恭侯乃楊邱侯劉安之諡將廬則齊孝王也下文將廬爲齊王下有有罪國除四字此亦陽邱恭侯子假事誤綴於此大昕案索隱單行本楊虛之下本有楊邱侯劉平一人漢表作安轉寫脫漏錯入此格文又不完耳

曆書

三史拾遺一

十

史記甲子

日得甲子正義云滿九百三十八分成一曰 史記甲子

篇推天正朔以九百四十分爲一日乾鑿度四分術同

此云九百三十八者誤也

正北 謂太初元年天正冬至加時在子

十二 謂是歲十二个月無閏

無大餘 謂是年天正甲子朔

無小餘 謂合朔加時在夜半

無大餘 謂冬至與朔同日

無小餘 謂冬至加時亦在夜半

爲逢攝提格太初元年 是年天正至朔皆無大小餘故

爲元首自正北以下六事皆屬此年故再題歲名以識之

十二 此下五事皆屬次年刊本以此二字係於太初元年之下誤也元首冬至加時正北則次年冬至在正東又一年在正南又一年在正西又一年復在正北矣而史皆不言者非至朔同日之歲故也唯始元二年正西地節四年正南初元二年正東以章首至朔同日故書大餘五十四 謂次年天正十一月戊午朔小餘三百四十八 謂合朔在卯正後大餘五 謂次年天正冬至已巳日

三史拾遺一

十一

小餘八 謂冬至加時在卯正

閏十三 此謂太初三年當有閏月并十二經月爲十三

也當別爲一行刊本係於二年之下則似太初二年已

有閏矣後凡書十二書閏十三者皆誤係於前一年

正西 謂始元二年冬至與朔同日加時在酉也刊本誤

係於始元元年之下

正南 謂地節四年冬至與朔同日加時在午也刊本誤

係於三年之下

正東 謂初元二年冬至與朔同日加時在卯也刊本誤

係於初元元年之下

祝聖大荒落四年 自太初元年至此凡七十六歲古術家以十九歲爲一章七十六歲爲一部太初冬至日得甲子所謂甲子部也至是歲而一部終其明年入癸卯部加時亦在正北至朔皆無小餘惟大餘同爲三十九耳

右曆書大餘者日也小餘者月也 案本書自太初元年至建始四年每年再舉大餘小餘之數前之大餘小餘推天正經朔所用後之大餘小餘推冬至所用也十千十二支相配以紀日六十而周不滿六十謂之大餘故云大餘者日也然而中節朔晦不皆當夜半子時於是

三史拾遺

十二

分一日爲若干分謂之日法不滿法謂之小餘以課加時之早晚推正朔以九百四十爲日法故小餘有多至九百卅一者推冬至則以卅二爲日法故小餘多者不過廿四兩小餘雖有多寡之殊要爲加時而設則其理不異依文當云小餘者時也今本作月乃傳寫之誤小司馬謂十二月餘此三百四十八數故云小餘者月然天正之小餘謂生於月可也冬至之小餘謂出於月可乎蓋唐本已譌小司馬不能是正軌曲傳會不知其終不能合也

天官書

旁有兩星曰杓索隱云杓音其炎反 漢志亦作杓或據小司馬引元命包鈞鈴兩星語輒改爲鈴非也

尾爲九子曰君臣斥絕不和 王孝廉曰尾主後宮君臣疑羣姬之譏廉云謹案孝廉不知何名

西宮咸池曰天五潢五潢五帝車舍 淮南天文訓斗杓爲小歲正月建寅月從左行十二辰咸池爲大歲二月建卯月從右行四仲終而復始蓋斗爲帝車有運轉之象咸池以五車爲匡衛亦有運行之象故古人指其所建以定四時古書言咸池者皆兼五潢五車三柱言之故史公以咸池爲五帝車舍春秋元命包云咸池主五穀其星五者各有所職然則五車卽咸池也後人析爲數名僅以三小星當咸池而淮南太史公書遂不能通矣史公以紫宮房心權衡咸池虛危爲天之五官坐位豈專指三小星而言哉洪景伯謂咸池每歲自卯逆行四仲經星隨璇璣之運不可離其次周流四仲當是其神爾洪亦未解五車隨天轉運昏旦易方各有所指故也參爲白虎在西南未申之隅不當西方正位故史漢不以表西方諸宿或疑西宮下當有白虎字非也漢儒說易以兌爲虎虞仲翔斥爲俗儒獨以坤爲虎蓋依天象而言

三史拾遺

十三

曰西方秋司兵月行及天矢 司兵以下七字疑衍以木
火土水四星例之可見

楚唐昧正義云莫過反 屈原傳諸侯共擊楚大破之殺
其將唐昧正義音莫葛反即其人也漢書古今人表續
漢書天文志竝作唐蔑古書蔑與昧通昧當爲昧之譌
春秋公及邾儀父盟于蔑晉先蔑奔秦公穀皆作昧說
文昧目不明也蔑勞目亡精也蔑字从首首讀如未後
人不通六書改爲昧爽之昧失其舊矣

封禪書

上卑耳之山集解韋昭曰卑耳即齊語所謂辟耳 卑辟

三史拾遺一

聲相近

南伐至召陵登熊耳山以望江漢索隱云順陽益陽二縣
東北有熊耳山東西各一峯如熊耳狀因以爲名齊桓
公太史公竝登之或云恆農熊耳非也 益陽屬長沙
國與順陽相去甚遠當有舛譌檢漢志小顏注亦云熊
耳山在順陽北益陽縣東未知其審水經注均水發源
恆農郡之盧氏縣熊耳山山南即修陽葛陽二縣界也
縣即析之北鄉故言出析縣北也魏收地形志析州修
陽郡領修陽蓋陽二縣則此注益陽乃蓋陽之誤耳蓋
葛聲相近故鄭注作葛陽

岳山注徐廣曰武功縣有大壺山又有岳山 梁氏玉經
曰岳乃垂字之誤以形近致譌耳地理志右扶風武功
縣太一山古文以爲終南垂山古文以爲敦物徐所見
史記本是垂山今本誤作岳并注中太壹亦誤爲大壺
矣

吳岳注徐廣曰在汧索隱云徐說非也案地理志汧有垂
山無岳山 漢志汧縣有吳山即此吳岳故徐以爲在
汧若垂山自在武功不在汧小司馬之讀漢書亦太不
子細矣

秦巫祠杜主巫保族繫之屬 族繫蓋疾疫之神說文瘞

三史拾遺一

小腫也一日族索索與繫同六畜病曰瘞蠡亦即族索
之轉聲

若人冠纓然 纓與冕同

平準書

更令民鑄錢索隱云顧氏案古今注云秦錢半兩徑寸二
分重十二銖 小司馬於此篇屢引顧氏說唐書藝文
志有顧烜錢譜一卷崇文總目有顧協泉譜一卷協字正
禮吳人梁書南史皆有傳索隱於平準書屢引顧氏說
竝論錢布之制當是烜協兩家譜文

凡直三十餘萬金索隱云大顏云一金萬錢也 案唐書

藝文志有顏游秦漢書決疑十二卷游秦爲師古叔父故稱大顏以別之史稱師古注漢書多資取其義而敘例及注初不見游秦之名蓋師古竊寫諸父撰述攘爲己有較之郭象注莊罪又甚焉賴小司馬索隱稍一引用之計碑書鄧陽李廣貨殖傳索隱亦引大顏說

吳太伯世家

大而婉 索隱單行本作大而寬注云寬宜讀爲婉今本作婉乃後人依左氏傳輒改耳

燕召公世家

三史拾遺一

十六

惠公多寵姬公欲去諸大夫而立寵姬宋大夫共誅姬宋索隱曰宋其名或作宗 梁氏玉繩曰三姬字必臣之

誤卽年表所稱幸臣也寵姬何可爲大夫立寵姬又何必去諸大夫且妾之稱姬非當時語大昕謂依或本作

宗亦通

衛康叔世家

子聲公訓立索隱云訓亦作馴系本作聖公馳 廣韻引

風俗通云聖音聲也是聖卽聲矣周禮地官土訓鄭司農讀爲馴五帝紀五品不訓後漢書鄧禹周舉傳皆作不馴訓馴古通用字馳蓋馴之譌

宋微子世家

王胥惟歲 尙書作省案春秋肆大胥公羊作省

遂以局役潛公子蒙澤 徐幹中論法象篇宋敏碎首於棋局蓋用此事敏當作愍與閔通

晉世家

呂省卻芮 呂省卽呂甥甥省聲相通

秦軍河上將入王 入王者納王也

荀彧 說文無彧字左傳晉大夫輔彧說文引作趙此荀彧名从木旁史公多識古文而今本左傳乃杜元凱所

定荀彧之名當從史記爲正今趙世家作彧則後人據

三史拾遺一

七

左傳安改猶幸改之不盡耳

楚世家

欲殺其弟憚 憚成王名春秋左氏作顓公穀作髡鄭世

家釐公亦名憚而左氏作髡顓公穀作髡原穀梁釋文

蓋顓髡古通用而憚亦以音近假借也說文顓頭顓也未詳其義而別有顓字云無髮也正與髡義同是顓顓

亦相通矣

趙世家

左師觸龍言願見太后 梁氏玉繩曰此與古今人表皆作觸龍而戰國策作觸攷說苑敬慎篇言桀臣有觸龍

荀子臣道議兵篇言紂臣有曹觸龍韓詩外傳亦云曹觸龍之於紂漢高祖功臣表有臨棘侯成觸龍惠景功臣表有山都侯王觸龍古人多以觸龍名者則趙左師不當作魯矣

孔子世家

魯襄公二十二年而孔子生索隱曰公羊傳襄公二十一年十有一月庚子孔子生今以爲二十二年蓋以周正十一月屬明年故誤也後序孔子卒云七十二歲每少一歲也案左氏傳於哀十六年書孔子卒而不書生年公羊云二十一年十一月庚子生穀梁云二十年十一月

三史拾遺

月庚子生史記則云二十二年而無月日攷賈逵注左傳於襄二十一年云此年仲尼生又昭二十四年服虔注引賈逵說云仲尼時年三十五是漢儒皆以孔子生在襄廿一年也是年經書十月庚辰朔則十一月無庚子日子以三統術推之襄公廿一年十月己卯朔庚子月廿二日也是爲宣尼生之日年從公羊月從穀梁與賈服說亦合自是年己酉至哀十六年壬戌實年七十有四

孔子年七十三以魯哀公十六年四月己丑卒索隱云若孔子以魯襄二十一年生至哀十六年爲七十三若襄

二十二年生則孔子年七十二經傳生年不定使夫子壽數不明按自襄廿二年至哀十六年恰是七十有三歲小司馬何於此致疑乎據前注每少一歲之文則索隱本實是七十二故於此疑而不決然謂襄廿一年至哀十六年爲七十三襄廿二年至哀十六年爲七十二則皆少一算豈泥於周正十一月屬明年之見邪

陳涉世家

柱國曰秦未亡而誅趙王將相家屬此生一素也不如因而立之此語又見張耳陳餘傳彼云相國房君此云柱國其實一人耳兩篇詞意相同者凡二百餘言班孟

三史拾遺

堅亦因而未削

陳勝韓錫謚曰隱王此謚當是呂臣等所上史家便文終言之耳

曹參世家

擊魏王於曲陽追至武垣注徐廣曰河東有垣縣梁氏玉繩曰曲陽乃陽曲之誤太原陽曲縣也陽曲抵垣不甚遠是以追及之武字衍

陳丞相世家

賜金二十溢溢古鑑字說文無鑑

孫子吳起列傳

君不若引兵疾走大梁 案魏世家此事在魏惠王十八年而魏之徙都大梁乃在惠王卅一年則其時大梁未爲魏都也下文齊使田忌將而往直走大梁誤與此同通鑑於此二條皆改爲魏都不云大梁蓋覺其語不相應也

齊軍既已過而西矣 閻百詩謂此句不可解過而西當云退而東傳寫之譌蓋因上文已云直走大梁而馬陵卻在大梁之東遂意揣以爲有誤爾大昕謂齊軍揚言直走大梁非真抵大梁也及龐涓棄韓而歸孫臏軍始過齊竟西入魏竟故滅竈以誤之若先已抵大梁而退

三史拾遺

三

則入魏地不止三日毋庸施滅竈之計矣先下直走大梁之令使彼速歸以疲之繼則滅竈以示怯使彼驕而不設備此孫臏所以致勝而史公敘事委曲詳盡粗心人固未能解也

商君傳

一救荆國之禍索隱云十二諸侯年表穆公二十八年會晉伐楚朝周此云救荆未聞 秦穆公之時楚未有禍秦亦無救楚事趙良所云救荆禍者卽指城濮之役也是時楚方圍宋宋人告急於晉晉先軫使宋舍我而賂齊秦則亦告急于秦矣城濮之役秦助晉破楚以紓宋

禍此百里奚相秦實事其云救荆禍者謂宋有荆禍而秦救之非謂荆國有禍也

蘇秦傳

夫衛人日夜務以秦權恐喝諸侯 喝當作獨或作喝下文恟疑虛喝索隱云本亦作獨與此義同漢書王子侯表葛魁侯咸坐縛家吏恐獨受賕棄市平城侯禮坐恐獨取雞以令買償免籍陽侯顯坐恐獨國民取財物免恐獨猶今人言恐嚇

塞郿阨正義云申州羅山縣本漢郿縣申州有平清關蓋古郿縣之阨塞 平清關卽今平靖關春秋傳之龜阨

三史拾遺

三

也龜阨之名由來久矣漢置郿縣當因龜阨得名正義以郿阨爲古郿縣之阨塞非是

王翦傳

李信攻平與蒙恬攻寢大破荆軍信又攻郢郢破之 郢郢楚之舊都秦昭王時白起拔郢及郢以郢爲南郡楚王徙都陳其後又自陳徙壽春安得更有郢郢之地乎此郢郢蓋卽陳地楚既都陳仍稱陳爲郢猶晉遷新田之後卽稱新田爲絳耳

廉頗藺相如傳

趙奢曰胥後令郿郿索隱云郿郿二字當爲欲戰 小司

馬改邯鄲爲欲戰屬下句讀文義雖通終是臆斷胡三省以胥爲一句後令邯鄲爲一句謂敢諫者死邯鄲之令耳今卽進軍近關與矣不當用邯鄲之令以殺之故日後令邯鄲也大所謂胥後令邯鄲五字當作一句讀邯鄲趙王所都言當待趙王之令耳趙奢出令時已去邯鄲卅里矣豈得云邯鄲之令邪胡說亦未確

屈原列傳

不獲世之玆垢 滋與玆同說文玆黑也春秋傳曰何故使吾水玆

受物之汶汶者乎索隱云汶汶音門門猶昏暗不明也

三史拾遺

案古音輕唇字皆讀重唇今粵東人讀文如門其楚騷之遺乎

張丞相蒼傳

匡君爲御史大夫歲餘章丞相死匡君代爲丞相 下文

云匡君居之未滿歲與此云歲餘不合攷漢表建昭二年八月匡衡爲御史大夫三年六月丞相立成薨七月衡爲丞相是衡在御史大夫任實未滿歲此云歲餘者誤也

諸爲大夫而丞相次也其心冀幸丞相物故也 自張蒼而後丞相不由御史大夫者竇嬰田蚡薛澤以列侯許

昌以太常趙周以太子太傅公孫寶以太僕劉屈氂以涿郡太守田千秋以大鴻臚韋賢以長信少府王商以右將軍張禹以光祿大夫僅十一人耳嚴青翟翟方進孔光雖由佗官拜相然皆前御史大夫也御史大夫皆由見任九卿及前九卿拜惟卜式以齊相延廣以膠東太守王慶以濟南太守暴勝之以光祿大夫丙吉以太子太傅尹忠以光祿大夫此六人者史不言嘗歷九卿張釋之馮唐列傳

一人犯譴當罰金 此漢律文也二人以上則罪當加等漢書作此人於義爲短

三史拾遺

吳王濞列傳

吳太子師傳皆楚人輕悍 吳太子之師傳當是吳人而史稱楚人者戰國時吳越地皆并於楚漢初承項羽之後吳會稽皆項羽故地故上文云上患吳會稽輕悍此亦云楚人輕悍也朱買臣吳人而史稱楚士與此傳同歲時存問茂材 案漢初本稱秀才東京避光武諱乃稱茂才史記賈生傳知其秀才儒林傳有秀才異等輒以名聞此當時本稱也此傳茂才字蓋後人依班史妄改將軍樂布擊齊 案七國起兵齊未嘗同反而史稱擊齊者濟南菑川膠東膠西皆故齊地言齊可以該四國非